


頓生偈注



					漢書門
			一〇〇一		
		七			
	三	函	號	類	
二	九	架	冊		

					漢書
			〇〇一		
		二			
	二	冊	號	類	
三	函	架	冊		

內閣文庫		
番號	漢	10012
冊數	2 ( 2 )	
函號	310	66







無量壽經優婆塞舍願生偈註卷下

波數槃頭菩薩造

沙門曇鸞註解

論曰此是解義分此分中義有十重一者願  
得大意二者起觀生信三者觀行身相四者  
淨入願心五者善巧攝化六者雖菩提障七  
者願菩提門八者名義攝對九者願事成就  
十者利行滿足論者議也言議偈所以也曰  
者詞也指下諸句是議釋偈詞也故言論曰





願偈大意者此願偈明何義示現觀彼安樂  
世界見阿彌陀如來願生彼國故起觀生信  
者此分中又有二重一者示五念力二者出  
五念門示五念力者云何觀云何生信心若  
善男子善女人修五念門行成就畢意得生  
安樂國土見彼阿彌陀佛出五念門者何等  
五念門一者禮拜門二者讚嘆門三者作願  
門四者觀察門五迴向門門者入出義也如

人得門則入出無尋前四念是入安樂淨土  
門後一念是出慈悲教化門云何禮拜身業  
禮拜阿彌陀如來應正遍知諸佛如來德有  
無量德無量故德號亦無量若欲具談紙筆  
不能載也是以諸經或舉十名或騰三號蓋  
存至宗而已豈此盡耶所言三號即此如來  
應正遍知也如來者如法相解如法相說如  
諸佛安穩道來此佛亦如是來更不去後有



中故名如來應者應供也佛結使除盡得一切智慧應受一切天地衆生供養故曰應也  
正遍知者知一切諸法實不壞相不增不減  
云何不壞心行處滅言語道過諸法如涅槃  
相不動故名正遍知無身光義如前偈中解  
爲生彼國意故何故言此菩薩之法常以晝  
三時夜三時禮十方一切諸佛不必有願生  
意今應常作願生意故禮阿彌陀如來也云

何讚嘆口業讚嘆讚者讚揚也嘆者歌歎也  
讚歎非口不宜故曰口業也稱彼如來名如  
彼如來光明智相如彼名義欲如實修行相  
應故稱彼如來名者謂稱無身光如來名也  
如彼如來光明智相者佛光明是智慧相也  
此光明照十方世界無有障身能除十方衆  
生無明黑闇非如日月珠光但破空穴中闇  
也如彼名義欲如實修行相應者彼無身光



如來名號能破衆生一切无明能滿衆生一切志願然有稱名憶念而无明由在而不滿所願者何者由不如實修行與名義不相應故也云何爲不如實修行與名義不相應謂不知如來是實相身是爲物身又有三種不相應一者信心不淳若存若亡故二者信心不一無決定故三者信心不相續餘念間故此三句反轉相成以信心不淳故無決定無

決定故念不相續亦可念不相續故不得決定信不得決定信故心不淳與此相違名如實修行相應是故論主建言我一心問曰名爲法指如指指月若稱佛名號便得滿願者指月之指應能破闇若指月之指不能破闇稱佛名號亦何能滿願耶答曰諸法万差不可一概有名即法有名異法名即法者諸佛菩薩名號般若彼羅密及陀羅尼章句禁咒

論注下



音辭等是也如禁腫辭云日出東方乍赤乍黃等句假使酉亥行禁不関日出而腫得差亦如行帥對陳但一切切齒中誦臨兵闘者皆陳列在前行誦此九字五兵之所不中抱朴子謂之要道者也又苦轉筋者以木瓜對火慰之則愈復有人但呼木瓜名亦愈吾身得其効也如斯近事世間共知况不可思議境界者乎滅除藥塗鼓之喻復是一事此喻

已教於前故不重引有名異法者如指指日等名也云何作願心常作願一心專念畢竟往生安樂國土欲如實修行奢摩他故譯奢摩他曰止止者止心一處不作惡也此譯名乃不乖大意於義未滿何以言之如止心專端亦名為止不淨觀止貪慈悲觀止瞋因緣觀止癡如是等亦名為止如人將行不行亦名為止是知止語浮漫不正得奢摩他名如



椿栢榆柳雖皆名木若但云木安得榆柳邪  
奢摩他云止者含有三義一者一心專念阿  
彌陀如來願生彼土此如來不號及彼國土  
名號能止一切惡二者彼安樂土過三界道  
若人亦生彼國自然止身口意惡三者阿彌  
陀如來正覺住持力自然止求聲聞辟支佛  
心此三種止從如來如實功德生是故言欲  
如實修行奢摩他故云何觀察智慧觀察正

念觀彼欲如實修行毗婆舍那故獲毗婆舍  
那曰觀但沈言觀義亦未滿何以言之如觀  
身無常苦空無我九想等皆名爲觀亦如上  
木名不得椿栢也毗婆舍那云觀者亦有二  
義一者在此作想觀彼三種莊嚴功德此功  
德如實故修行者亦得如實功德如實功德  
者決定得生彼土二者亦得生彼淨土即見  
阿彌陀佛未證淨心菩薩畢竟得證平等法



身與淨心菩薩與上地菩薩畢竟同得寂滅  
平等是故言欲如實修行毗婆奢那故彼觀  
察有三種何等三種一者觀察彼佛國土莊  
嚴功德二者觀察阿彌陀佛莊嚴功德三者  
觀察彼諸菩薩莊嚴功德心緣其事曰觀觀  
心分明曰察云何迴向不捨一切苦惱衆生  
心常作願迴向爲首得成就大悲心故迴向  
有二種相一者往相二者還相往相者以已

功德迴施一切衆生作願共往生彼阿彌陀  
如來安樂淨土還相者生彼土已得奢摩他  
毗婆奢那方便力成就迴入生死稠林教化  
一切衆生共向佛道若往若還皆爲技藝生  
渡生死海是故言迴向爲首得成就大悲心故  
觀察體相者此分中有二躰一者器躰二者  
衆生躰初器界分中又有三重一者國土躰  
相二者示現自利利他三者入第一義諦國



土躰相者云何觀察彼佛國土莊嚴功德彼  
佛國土莊嚴功德者成就不可思議力故如  
彼摩尼如意寶性相似相對法故不可思議  
力者揔指彼佛國土十七種莊嚴功德力不  
可得思議也諸經說言有五種不可思議一  
者衆生多小不可思議二者業力不可思議  
三者龍力不可思議四者禪定力不可思議  
五者佛法力不可思議此中佛土不可思議

有二種力一者業力謂法藏菩薩世尊根  
大願業力所成二者正覺阿彌陀法王善住  
持力所攝此不可思議如下十七種一一相  
皆不可思議至文當釋如彼摩尼如意寶性  
相似相對者借彼摩尼如意寶性示安樂佛  
土不思議性也諸佛入涅槃時以方便力留  
碎身舍利以福衆生衆生福盡此舍利變爲  
摩尼如意寶珠此珠多在大海中次龍王以



爲首飭若轉輪聖王出世以慈悲方便能得  
此珠於閻浮提作大饒益若須衣服飲食燈  
明樂具墮意所欲種種物時王便繫齊置珠  
於長竿頭發願言若我實是轉輪王者願寶  
珠雨如此之物若遍一里若十里若百里隨  
我心願念時即便放虛空中雨種種物皆稱  
所須滿足天下一切人願以此寶性力故彼  
樂佛十亦如是以安樂性種種故相似

相對者彼寶珠力求衣食者能雨衣食等物  
稱求者意非是不求彼佛土則不然性滿足  
成就故無所乏少介取彼性爲喻故言相似相  
對又彼寶但能與眾生衣食等願不能與眾  
生無上道願又彼寶但能與眾生一身願不  
能與眾生無量身願有如是等無量差別故  
言相似觀察彼佛國土莊嚴功德成就者有  
十七種應知何等十七一者在嚴清淨功德

注論下  
九



成就二者在嚴量功德成就三者莊嚴性功  
德成就四者莊嚴形相功德成就五者莊嚴  
種種事功德成就六者莊嚴妙色功德成就  
七者莊嚴觸功德成就八者莊嚴三種功德  
成就九者莊嚴雨功德成就十者莊嚴光明  
功德成就十一者莊嚴妙聲功德成就十二  
者莊嚴主功德成就十三者莊嚴眷屬功德  
成就十四者莊嚴受用功德成就十五者莊

嚴無難功德成就十六者莊嚴六義門功  
德成就十七者莊嚴一切所求滿足功德成  
就先舉章門次續提釋莊嚴清淨功德成就  
者偈言觀彼世界相勝過三界道故此云何  
不思議有凡夫人煩惱成就亦得生彼淨土  
三界繫業畢竟不牽則是不断煩惱得涅槃  
分焉可思議莊嚴量功德成就者偈言究竟  
如虛空廣大元邊際故此云何不思議彼國



人天若意欲宮殿樓閣若廣一由旬若百由旬若千由旬千間萬間隨心所成人各如此又十方世界衆生願往生者若已生若今生若當生一時一日之頂算數所不能知其多少而彼世界常若虛空無迫迮相彼中衆生住如此量中志願廣大亦如虛空無有限量彼國土量能成衆生心行量何可思議莊嚴性功德成就者偈言正道大慈悲出世善根

生故世云何不思議譬如迦羅求羅由其形微少若得大風身如大山隨風大少爲已身相生安樂衆生亦復如是生彼正道世界即成就出世善根入正定聚亦如彼風非身而身焉可思議莊嚴形相功德成就者偈言淨光明滿足如鏡月月輪故此云何不思議夫忍辱得端正我心影響也一得生彼無瞋忍之殊人天色像平等妙絕蓋淨先之力也彼



光非心行而為心行之事焉。可思議莊嚴種種事功德成就者。偈言備諸珍寶性具足妙莊嚴。故此云何不思議彼種種事。或一寶十寶百千種寶。隨心稱意無不具足。若欲令無<sup>タテマ</sup>儼焉化沒。心得自在。有喻神通安可思議。莊嚴妙色功德成就者。偈言無垢光炎熾明淨。曜世間。故此云何不思議其光曜事。則映徹表裏。其光曜心則終盡無明。光為佛事焉。可

思議莊嚴。離功德成就者。偈言寶性功德草柔濡左右旋觸者。生勝樂過迦旃隣陀。故此云何不思議夫寶例堅強。而此柔軟觸樂應著。而此增道事。同愛作何。可思議有菩薩字變作形容端正。生人染著經言。染之者。或生天上。或發菩提心。莊嚴三種功德成就者。有三種事。應知何等三種。一者水二者地三者虛空。此三種所以并言者。以同類故也。何以



言之一者六大類所謂虛空識地水火風二  
者無分別類所謂地水火風虛空但言三類  
者識一大屬衆生世間故火一大彼中無故  
雖有風風不可見故無住處故是以六大五  
類中取有兩可莊嚴三種并言之莊嚴水功  
德成就者偈言寶華千萬種彌覆池流泉微  
風動華葉交錯光亂轉故此云何不思議彼  
淨土人天非冰繫身何須水耶清淨成就不

須洗滌復何用水耶彼中無四時常調適不  
煩熱復何須水耶不須而有當有所以經言  
彼諸菩薩及聲聞若入寶池意欲令水沒足  
水即沒足欲令至膝水即至膝欲令至腰水  
即至腰欲令至頸水即至頸欲令灌身自然  
灌身欲令還復水輒還復調和令軟自然隨  
意開神悅躄蕩除心垢清明澄潔淨若無形  
寶沙映徹無深不照微瀾迴流轉相灌注安



詳徐逝不遲不疾波揚無量自然妙聲隨其所應莫不聞者或聞佛聲或聞法聲或聞僧聲或聞寂靜聲空無我聲大慈悲聲波羅密聲或聞十力無畏不共法聲諸通慧聲元所作聲不起滅聲無生忍聲乃至甘露灌頂衆妙法聲如是等聲稱其所聞歡喜无量隨順清淨離欲寂滅真實之義隨順三寶力无所畏不共之法隨順通慧菩薩聲聞所行之道

無有三塗苦難之名但有自然快樂之音是故其國名曰安樂此永爲佛事安可思義莊嚴地功德成就者偈言宮殿諸樓閣觀十方無尋雜樹異光色寶蘭遍圍遶故此云何不思議彼種種事或一寶十寶百寶無量寶隨心稱意莊嚴具足此莊嚴事如淨明鏡十方國土淨穢諸相善惡業緣一切悉現彼中天見斯事故探湯不及之情自然成就亦如



諸大菩薩以照法性等寶為冠此寶冠中皆見諸佛又了達一切諸法之性又如佛說法華經時放眉間光照于東方方八千土皆如金色從阿鼻獄上至有頂諸世界中六道衆生生死所趣善惡業緣受報好醜於此悉見蓋斯類也此影為佛事安可思議莊嚴虛空功德成就者偈言無量寶交絡羅網遍虛空種種鈴發響宣吐妙法音故此云何不思議

經言無量寶網彌覆佛土皆以金縷真珠百千雜寶奇妙珍異莊嚴按筋周匝四面垂以寶鈴光色晃耀盡極嚴麗自然德風徐起微動其風調和不寒不暑溫涼柔軟不遲不疾吹諸羅網及衆寶樹演發無量微妙法音流布萬種溫雅德香其有聞者塵勞垢習自然不起風觸其身皆得快樂此聲為佛事焉可思議莊嚴雨功德成就者偈言雨華衣莊嚴



無量香普勳故此云何不思議經言風吹散  
華遍滿佛土隨色次第而不雜亂柔軟光澤  
馨香芬列足履其上踏下四寸隨舉足已還  
復如故花用已訖地輒開裂以次化沒清淨  
無違隨其時節風吹散華如是六反又衆寶  
蓮華周滿世界一一寶華百千億葉其葉光  
明無量種色青色青光白色白光玄黃朱紫  
光色亦然曠輝煥爛明曜日月一一華中出

三十六百千億光一一光中出三十六百千  
億佛身色紫金相好殊持一一諸佛又放百  
千光明普爲十方說微妙法如是諸佛各各  
安立無量衆生於佛正道華爲佛事安可思  
議莊嚴光明功德成就者偈言佛慧明淨日  
除世癡闇冥故此云何不思議彼土光明從  
如來智慧報起觸之者無明黑闇終必消除  
光明非慧能爲慧用焉可思議莊嚴妙聲功



德成就者偈言梵聲悟深遠微妙聞十方故  
此云何不思議經言若人但聞彼國土清淨  
安樂冠念願生亦得往生則入正定聚此是  
國土名字為佛事安可思議莊嚴主功德成  
就者偈言正覺阿彌陀法王善住持故此云  
何不思議正覺阿彌陀不可思議彼安樂淨  
土為正覺阿彌陀善力住持云何可得思議  
邪住名不異不滅持名不散不失如以不朽

藥塗種子在水不爛在火不焦得因緣則生  
何以故不朽藥力故若人一生安樂淨土後  
時意願生三界教化衆生捨淨土命隨願得  
生雖生三界雜生水火中無上菩提種子畢  
竟不朽何以故以遙正覺阿彌陀善住持故  
莊嚴眷屬功德成就者偈言如來淨華衆正  
覺華化生故此云何不思議凡是雜生世界  
若胎若卵若濕若化眷屬若干苦樂万品以



雜業故彼安樂國土莫非阿彌陀如來正  
覺淨華之所化生同一念佛無別道故遠通  
夫四海之內皆為兄弟也眷屬無量焉可思  
議莊嚴受用功德成就者偈言愛樂佛法味  
禪三昧為食故此云何不思議不食而資命  
蓋所資有以也豈不是如來滿本願乎乘佛  
願為我命焉可思議莊嚴無諸難功德成就  
者偈言求離身心惱受樂常天間故此云何

不思議經言以為苦器心為端而彼有身  
有心而受樂無間安可思議莊嚴大義門功  
德成就者偈言大乘善根界等無譏嫌名女  
人及根缺二乘種不生故淨土果報離二種  
譏過應知一者躰二者名躰有三種一者二  
乘人二者女人三者諸根不具人無此三過  
故名離躰譏嫌名亦三種非但無三躰乃至  
不聞二乘女人諸根不具三種名故名離名



論注下

十八

譏嫌等者平等一相故此云何不思議夫諸  
 天共器飯有隨福之色足指案地乃詳金礫  
 之旨而願往生者本則三三之品今無一二  
 之殊亦如漕澗食石陵反一味焉可思議莊嚴一  
 切所求滿足功德成就者偈言衆生所願樂  
 一切能滿足故此云何不思議彼國人天若  
 欲願往他方世界无量佛刹供養諸佛菩薩  
 及所須供養之具無不稱願又欲捨彼壽命

向餘國生做短自在隨願皆得未階自在之  
 位而同自在之用焉可思議示現自利利他  
 者略說彼阿彌陀佛國土十七種莊嚴功德  
 成就示現如來自身利益大功德力成就利  
 益他功德成就故言略者歎彼淨土功德无  
 量非唯十七種也夫須彌之八芥子毛孔之  
 納大海豈山海之神乎毛芥之力乎能神者  
 神之耳是故十七種雖曰利他有利之義炳

論注下

十八



然可知入第一義諦者彼無量壽佛國土莊嚴第一義諦妙境界相十六句及一句次第說應知第一義諦者佛因緣法也此諦是境義是故莊嚴等十六句稱為妙境界相此義至入法句文當更解釋及一句次第者謂觀器淨等揔別十七句觀行次第也云何起次建章言歸命無尋光如來願生安樂國此中有疑疑言生初有本衆累之无棄生願生

何可盡為釋此疑是故觀彼淨土莊嚴功成就明彼淨土是阿彌陀如來清淨本願無生之生非如三有虛妄生也何以言之夫法性清淨畢竟無生言生者是得生者之情耳生苟無生生何所盡盡夫生者上失無為能為之身下醜醉反三空不空之痼痼也病也根敗求亡號振三千無反無復於斯招耻躰夫生理謂之淨土淨土之宅所謂十七句是



也十七句中，中揔別為二。初句是揔相，所謂是清淨佛土。過三界道，彼過三界有何相。下十六種在嚴功德成就相是也。一者量究竟如虛空廣大無邊際，故既知量，此量以何為本。是故觀性性是本義，彼淨土從正道大慈悲出世善根生。既言出世善根，此善根生何等相。是故次觀莊嚴形相。既知形相，宜知形相何等。是故次觀種種事。既知種種事，宜知

種種事。妙色是故次觀妙色。既知妙色，此有何觸。是故次觀觸。既知身觸，應知眼觸。是故次觀水地虛空莊嚴三事。既知眼觸，應知鼻觸。是故次觀衣花香薰。既知眼鼻等觸，須知離染。是故次觀佛慧明照。既知慧光淨力，宜知聲名遠近。是故次觀梵聲遠聞。既知聲名，宜知誰為增上。是故次觀佛主。既知有主，誰為主眷屬。是故次觀眷屬。既知眷屬，宜知



此眷屬若爲受用是故次觀受用既知受用  
宜知此受用有難無難是故次觀無諸難既  
知無諸難以何義故無諸難是故次觀大義  
門既知大義門宜知大義門滿不滿是故次  
觀所求滿足後次此十七句非但釋疑觀此  
十七種莊嚴成就就能生真實淨信必定得生  
彼安樂佛土問曰上言知生無生當是上品  
生者若下下品人乘十念往生豈非取實生

耶但取實生即隨二執一恐不得往生二恐  
更生感惑譬如下淨摩尼珠置之濁水水即  
清淨若人雖有無量生死罪濁聞彼阿彌陀  
如來至極無生清淨寶珠名號投之濁心念  
念之中罪滅心淨即得往生又如淨摩尼珠  
以玄黃弊裏投之於水水即玄黃一如物色  
彼清淨佛土有阿彌陀如來无上寶珠以无  
量莊嚴功德成就綿裏投之於所往生者心



水豈不能轉生見為無生智乎又如冰上燃  
火火猛則冰釋冰釋則火滅彼下品人雖不  
知法性無生但以稱佛名力作往生意願生  
彼土彼土是無生界見生之火自然而滅衆  
生躰者此分中有二重一者觀佛二者觀菩  
薩觀佛者云何觀佛莊嚴功德成就觀佛莊  
嚴功德成就者有八種相應知此觀義已彰前  
偈何等八種一者莊嚴座功德成就二者莊

嚴身業功德三者莊嚴口業功德成就四者  
莊嚴心業功德成就五者莊嚴衆功德成就  
六者莊嚴上首功德成就七者主功德成就  
八者莊嚴不虛作住持功德成就何者莊嚴  
座功德成就偈言无量寶王微妙淨華臺  
故若欲觀座當依觀無量壽經何者莊嚴身  
業功德成就偈言偈言相好光一尋色像超  
群生故若欲觀佛身當依觀無量壽經何者



莊嚴口業功德成就偈言如來微妙聲梵響  
聞十方故何者莊嚴心業功德成就偈言同  
地水火風虛空無分別故無分別者無分別  
心故凡夫衆生身口意三業以造罪輪轉三  
界無有窮已是故諸佛菩薩莊嚴身口意三  
業用治衆生虛誑三業也云何用治衆生以  
身見故受三塗身卑賤身醜陋身入難身流  
轉身如是等衆生見阿彌陀如來相好光明

身者如上種種身業繫縛皆得解脫入如來  
象畢竟得平等身業衆生以憍慢故誹謗正  
法毀此賢聖指斥尊長尊者君父師也長者  
有德之人及兄黨也  
如是之人應受拔舌苦瘡痲苦言教不行苦  
無名聞苦如是等種種諸苦衆生聞阿彌陀  
如來至德名號說法音聲如上種種口業繫  
縛皆得解脫入如來象畢竟得平等口業衆  
生以邪見故心生分別若有若無若非若是



若好若醜若善若惡若彼若此有如是等種種分別以分別故長淪三有受種種分別苦取捨苦長寢大夜無有出期是衆生若遇何彌陀如來平等光照若聞阿彌陀如來平等意業是等衆生如上種種意業繫縛皆得解脫入如來家畢竟得平等意業問曰心是覺知相云何可得同地水火風無分別耶答曰心雖知相入實相則無知譬如蛇性雖曲

三昧力身不動本處而能遍至十方供養諸佛教化衆生無垢輪者佛地功德也佛地功德無習氣煩惱垢佛爲諸菩薩常轉此法輪諸大菩薩亦能以此法輪開導一切無暫時休息故言常轉法身如日而應化身光遍諸世界也言日未足以明不動復言如須彌住持也淤泥華者經言高原陸地不生蓮華卑濕淤泥乃生蓮華此喻凡夫在煩惱泥中爲

論性下

三十一



菩薩開導能生佛正覺華諒夫紹隆三寶常  
使不絕二者彼應化身一切時不前不後一  
心一念放大光明悉能遍至十方世界教化  
衆生種種方便修行所作滅除一切衆生苦  
故偈言無垢莊嚴先一念及一時普照諸佛  
會利益諸群生故上言不動而至容或至有  
前後是故復言一念一時無前後也三者彼  
於一切世界無餘照諸佛會大衆無餘廣大

無量供養恭敬讚嘆諸佛如來功德偈言雨  
天樂華衣妙香等供養讚諸佛功德無有分  
別心故無餘者明遍至一切世界一切諸佛  
大會無有一世界一佛會不至也肇公言法  
身無像而殊形並應至韻無言而玄藉彌布  
冥權無謀而動與事會蓋斯意也四者彼於  
十方一切世界無三寶處住持莊嚴佛法僧  
寶功德大海遍示令解如實修行偈言何等



世界無佛法功德寶我願皆往生示佛法如  
佛故上三句雖言遍至皆是有佛國土若無  
此句便是法身有所不法上善有所不善觀  
行躰相竟已下是解義中第四重名為淨入  
願心淨入願心者又向說觀察莊嚴佛土功  
德成就莊嚴佛功德成就莊嚴菩薩功德成  
就此三種成就願心莊嚴應知者應知此三  
種莊嚴成就由本四十八願等清淨願心之

入竹筒則直又如入身若刺若螫螫ハチノサカス反式カ  
則有覺知若石ハシ至シ反之一敢若耳ミミ則無覺チ  
知如是等有知無知在干因緣若在因緣則  
非知非無知也問曰心入實相可令無知云  
何得有一切種智邪答曰凡心有知則有所  
不知聖心無知故無所不知無知而知知即  
無知也問曰既言無知故無所不知若無所不  
知者豈不是知種種法邪既知種種之法復



云何言無所分別邪答曰諸法種種相皆如  
 幻化然幻化像馬非無長頸鼻手足異而智  
 者觀之豈言定有像馬分別之邪何者莊嚴  
 大衆功德成就偈言天人不動衆清淨智海  
 生故何者莊嚴上首功德成就偈言如須彌  
 山王勝妙無過者故何者莊嚴主功德成就  
 偈言天人大夫衆恭敬繞瞻仰故何者莊嚴  
 不虛作住持功德成就偈言觀佛本願力遇

无空過者能令速滿足功大寶海故不虛  
 作住持功德成就者蓋是阿彌陀如來本願  
 力也今當略示虛作之相不能住持用顯彼  
 不虛作住持之義人有輟止也反真食養土或  
 豐超舟中積金盈庫而不免餓死如斯之事  
 觸同皆是得非作得在非守在皆由虛妄業  
 作不能住持也所言不虛作住持者依本法  
 藏菩薩四十八願今日阿彌陀如來自在神



力願以成力力以就願願不徒然力不虛設  
力願相符畢竟不差故曰成就即見彼佛未  
證淨心菩薩畢竟得證平等法身與淨心菩  
薩與上地諸菩薩畢竟同得寂滅平等故平  
等法身者八地已上法性生身菩薩也寂滅  
平等者即此法身菩薩所證寂滅平等之法  
也以得此寂滅平等法故名爲平等法身以  
平等法身菩薩所得故名爲寂滅平等法也

此菩薩得報生三昧以三昧神力能一處  
念一時遍十方世界種種供養一切諸佛及  
諸佛大會衆海能於无量世界無佛法僧處  
種種示現種種教化度脫一切衆生常依佛  
事初無往來想供養想度脫想是故此身名  
爲平等法身此法名爲寂滅平等法未證淨  
心菩薩者初地已上七地已還諸菩薩也此  
菩薩亦能現身若百若干若億若百千



萬億無佛國土施作佛事要須作心入三脫  
乃能非不作心以作心故名爲未得淨心此  
菩薩願生安樂淨土即見阿彌陀佛見阿彌  
陀佛時與上地諸菩薩畢竟身等法等龍樹  
菩薩婆數繫頭菩薩輩願生彼者當爲此耳  
問曰案十地經菩薩進趣階級漸者無量功  
勳途多劫數然後乃得此云何見阿彌陀佛  
時畢竟與上地諸菩薩身等法等邪答曰畢

竟者未言即等也畢竟不以此等故言等耳  
問曰若不即等復何待言菩薩但於初地以  
漸增進自然當與佛等何假言與上地諸菩  
薩等答曰菩薩於七地中得大寂滅止不見諸  
佛可求下不見衆生可度欲捨佛道證於實  
際今時若不得十方諸佛神力加勸即便滅  
度與二乘無異菩薩若往生安樂見阿彌陀  
佛即無此難是故須言畢竟平等復次無量



壽經中阿彌陀如來本願言設我得佛他方  
佛土諸菩薩衆來生我國究竟必至一生補  
處除其本願自在所化爲衆生故被弘誓鑑  
積累德本度脫一切遊諸佛國修菩薩行供  
養十方諸佛如來開化恒沙無量衆生復立  
無上正真之道超出常倫諸地之行現前修  
習普賢之德若不尔者不取正覺案此經推  
彼國菩薩或可不從一地至一地言十地階

次者是釋迦如來於閻浮提一應化道其他  
方淨土何必如此五種不思議中佛法最不  
可思議若言菩薩必從一地至一地無超越  
之理未敢詳也譬如樹名曰好堅是樹地  
生百歲乃具一日長高百丈日月如此計百  
歲之長豈類脩松邪見松生長日不過寸聞  
彼好堅何能不疑即曰有人聞釋迦如來證  
羅漢於一聽割無生於終朝謂是接誘之言



非稱實之說聞此論事亦當不信夫非常之  
言不入常人之耳謂之不然亦其宜也略說  
八句示現如來自利利他功德莊嚴次第成  
就應知此云何次第前十七句是莊嚴國土  
功德成就既知國土相應知國土之主是故  
次觀佛莊嚴功德彼佛若為莊嚴於何處坐  
是故先觀座既知座已宜知座主是故次觀  
佛莊嚴身業既知身業應知有何聲名是故

次觀佛莊嚴口業既知名聞宜知得名所以  
是故次觀莊嚴心業既知三業具足應為人  
天大帥堪受化者是誰是故次觀大衆功德  
既知大衆有無量功德宜知上首者誰是故  
次觀上首上首是佛既知上首起同長幼是  
故次觀主既知是主主有何增上是故次觀  
莊嚴不虛作住持八句次第成已觀菩薩者  
云何觀察菩薩莊嚴功德成就觀察菩薩莊



嚴功德成就者觀彼菩薩有四種正修行功  
德成就應知真如是諸法正躰躰如而行則  
是不行不行而行名如實修行躰唯一如而  
義分為四是故四行以一正統之何者為四  
一者於一佛土身不勸搖而遍十方種種應  
化如實修行常作佛事得言安樂國清淨常  
轉無垢輪化佛菩薩日如須彌住持故開諸  
衆生淤泥華故八地已上菩薩常在三昧以

所莊嚴因淨故果淨非無因他因有也略說  
入一法句故上國土莊嚴十七句如來莊嚴  
八句菩薩莊嚴四句為廣入一法句為略何  
故示現廣略相入諸佛菩薩有二種法身一  
者法性法身二者句便法身由法性法身生  
方便法身由方便法身出法性法身此二法  
身異而不可分一而不可同是故廣略相入  
統以法名菩薩若不知廣略相入則不能自



利利他スレフ一法ト句者謂清淨句清淨句者謂眞實智慧無爲法身ト故此三句展轉相入ト依何義名之爲法ト以清淨ト故依何義名爲清淨ト以眞實智慧無爲法身ト故眞實智慧者實相智慧也實相無相故眞智無知也無爲法身者法性身也法性寂滅故法身無相也無相故能無不相是故相好莊嚴即法身也無知故能無不知是故一切種智即眞實智慧也以

眞實而目智慧ト明智ト慧非ト作非ト作也ト以無爲而標法身ト明法身非色ト非色也ト非干非者豈非非之能是乎ト蓋無非之曰是也ト自是無待復非是也ト非是非非百非之所不喻是言故清淨句清淨句者謂眞實智慧無爲法身也此清淨有二種應知上轉入句中ト通一法入清淨ト通清淨入法身ト今將別清淨出二種故故言應知何等二種一者器世間清淨



二者眾生世間清淨器世間清淨者如向說十  
 七種莊嚴成就佛土功德成就名器世間  
 此四種莊嚴甚且菩薩功德成就名眾生世間清淨如是  
 清淨眾生世間清淨者如向說八種莊嚴佛功德成  
 一法句攝二種清淨義應知夫眾生為別報之  
 躰國土為共報之用躰用不一所以應知然  
 諸法心成無餘境界眾生及器復不得異不  
 得一不一則義分不異尚清淨器者用也謂

彼淨土是彼清淨眾生之所受用故名器  
 如淨食用不淨器以器不淨故食亦不淨不  
 淨食用淨器食不淨故器亦不淨要二俱潔  
 乃得稱淨是以一清淨名必攝二種問曰言  
 眾生世間清淨則是佛與菩薩彼諸人天得  
 入此清淨數不答曰得名清淨非實清淨譬  
 如出家聖人以殺煩惱賊故名比丘凡夫  
 出家者亦名比丘又如灌頂王子初生之時



具三十二相即為七寶所屬雖未能為轉輪  
王事亦名轉輪王以其必為轉輪王故彼諸  
人天亦復如是皆入大乘正定之聚畢竟當  
得清淨法身以當得故得名清淨善巧攝化  
者如是菩薩奢摩他毗婆舍那廣略修行成  
就柔濡心柔濡心者謂廣略止觀相順修行  
成不二心也譬如以水取影清靜相資而成  
就也如實知廣略諸法如實知者如實相而

知也廣中二十九句略中一句莫非實相也  
如是成就巧方便迴向如是者如前復廣略  
皆實相也以知實相故則知三界眾生虛妄  
相也知眾生虛妄則生真實慈悲也知真實  
法身則起真實歸依也慈悲之與歸依巧方  
便在下何者菩薩巧方便迴向菩薩巧方便  
迴向者謂說禮拜等五種修行所集一切功  
德善根不求自身住持之樂欲拔一切眾生



苦故作願攝取一切眾生共同生彼安樂佛  
國是名菩薩巧方便迴向成就察王舍城所  
說無量壽經三輩生中雖行有優劣莫不皆  
發無上菩提之心此無上菩提心即是願作  
佛心願作佛心即是度眾生心度眾生心即  
攝取眾生生有佛國土心是故願生彼安樂  
淨土者要發無上菩提心也若人不發無上  
菩提心但聞彼國土受樂無間為樂故願生

亦當不得往生也是故言不求自身住持之  
樂欲拔一切眾生苦故住持樂者謂彼安樂  
淨土為阿彌陀如來本願力之所住持受樂  
無間也凡釋迴向名義謂以已所集一切功  
德施與一切眾生共向佛道巧方便者謂菩  
薩願以已智慧火燒一切眾生煩惱草木若  
有一眾生不成佛我不作佛而眾生未盡成  
佛菩薩已自成佛譬如以摘反聽念欲摘反聽登



一切草木燒令使盡草木未盡火猶已盡以  
後其身而身先故名功方便此中言方便者謂  
作願攝取一切衆生共同生彼安樂佛國彼  
佛國即是畢竟成佛道路無上方便也隨菩  
提門者菩薩如是善知迴向成就遠離三種  
菩提門相違法何等三種一者依智慧門不  
求自樂遠離我心貪著自身故知進守退曰  
智知空無我曰慧依智故不求自樂依慧故

遠離我心貪著自身二者依慈悲門拔一切  
衆生苦遠離無安衆生心故拔苦曰慈與樂  
曰悲依慈故拔一切衆生苦依悲故遠離無  
安衆生心三者依方便門憐愍一切衆生心  
遠離供養恭敬自身心故正直曰方外已曰  
便依正直故生憐愍一切衆生心依外已故  
遠離供養恭敬自身心必是名遠離三種菩提  
門相違法順菩提門者菩薩遠離如是三種



菩提門相違法得三種隨順菩提門法滿足  
故何等三種一者無染清淨心以不為自身  
求諸樂故菩提是無染清淨處若為身求樂  
即違菩提是故無染清淨心是順菩提門二  
者安清淨心以拔一切眾生苦故菩提是安  
穩一切眾生清淨處若不作心拔一切眾生  
離生死苦即便違菩提是故拔一切眾生苦  
是順菩提門三者樂清淨心以令一切眾生

得大菩提故以攝取眾生生彼國土故菩提  
是畢竟常樂處若不令一切眾生得畢竟常  
樂則違菩提此畢竟常樂依何而得依大乘  
門大乘門者謂彼安樂佛國土是也是故又  
言以攝取眾生生彼國土故是名三種隨順  
菩提門法滿足應知名義攝對者向說智慧  
慈悲方便三種門攝取般若般若攝取方便  
應知般若者達如之慧名方便者通權之智



稱達如則心行寂滅通權則備省衆機省機  
 之智備應而無知寂滅之慧亦無知而備省  
 然則智慧方便相緣而動相緣而靜動不矢  
 靜智慧之功也靜不廢動方便之力也是故  
 智慧慈悲方便攝取般若般若攝取方便應  
 知者謂應知智慧方便是菩薩父母若不依  
 智慧方便菩薩法則不成就何以故若無智  
 慧為衆生時則墮顛倒若無方便觀法住時

則證實際是故應知向說遠離我心不貪著  
 自身遠離無安衆生心遠離供養恭敬自身  
 心此三種法遠離障菩提心應知諸法各有  
 障導相如風能障靜土能障水濕能障火五  
 惡十惡障人天四顛倒障聲聞果此中三種  
 不遠離障菩提心應知者若欲得無障當遠  
 離此三種障導也向說無染清淨心安清淨  
 心樂清淨心此三種心略一處成就妙樂勝



真心應知樂有三種一者外樂謂五識所生  
樂二者內樂謂初禪二禪三禪意識所生樂  
三者法樂五角樂魯各謂智慧所生樂此智  
慧所生樂從愛佛功德起是遠離我心遠離  
無安衆生心遠離自供養心是二種心清淨  
增進略爲妙樂勝真心妙言其好以此樂緣  
佛生故勝言勝出三界中樂真言不虛偽不  
顛倒願事成就者如是菩薩智慧心方便心

無障心勝真心能生清淨佛國土應知應知  
者謂應知此四種清淨功德能得生彼清淨  
佛國土非是他緣而生也是名菩薩摩訶薩  
隨順五種法門所作隨意自在成就如向所  
說身業口業意業智業方便智業隨順法門  
故隨意自在者言此五種功德力能生清淨  
佛土出沒自在也身業者禮拜也口業者讚  
嘆也意業者作願也智業者觀察也方便智



業者迴向也言此五種業和合則是墮順往  
 生淨土法門自在業成就利行滿足者復有  
 五種門漸次成就五種功德應知何者五門  
 一者近門二者大會衆門三者宅門四者屋  
 門五者園林遊戲地門此五種示現入出次  
 第相入相中初至淨土是近相謂入大乘正  
 定聚近阿耨多羅三藐三菩提入淨土已便  
 入如來大會衆數入衆數已當至修行安心

之宅入宅已當至修行所居屋宇左舉修行  
 成就已當至教化地教化地即是菩薩自娛  
 樂地是故出門稱園林遊戲地門此五種門  
 初四種門成就入功德第五門成就出功德  
 此入出功德何者是釋言入第一門者以禮  
 拜阿彌陀佛為生彼國故得生安樂世界是  
 名入第一門禮佛願生佛國是初功德相入  
 第二門者以讚嘆阿彌陀佛隨順名義稱如



來名依如來光明智相修行故得入大會眾  
數是名入第二門依如來名義讚嘆是第二  
功德相入第三門者以一心專念作樂生彼  
修奢摩他寂靜三昧行故得入蓮華藏世界  
是名入第三門為修寂靜止故一心願生彼  
國是第三功德相入第四門者以專念觀察  
彼妙莊嚴修毗婆舍那故得到彼處受用種種  
法味樂是名入第四門種種法味樂者毗婆

舍那中有觀佛國土清淨味攝受眾生大乘  
味畢竟任持不虛作味類事起行願取佛土  
味有如是等無量莊嚴佛道味故言種種是  
第四功德相出第五門者以大慈悲觀察一  
切苦惱眾生示應化身迴入生死園煩惱林  
中遊戲神通至教化地以本願力迴向故是  
名出第五門示應化身者如法華經普門示  
現之類也遊戲有二義一者自在義菩薩度



衆生譬如師子搏鹿所爲不難如似遊戲一  
者度無所度義菩薩觀衆生畢竟無所有雖  
度無量衆生實無一衆生得滅度者示度衆  
生如似遊戲言本願心者示大菩薩於法身  
中常在二昧而現種種身種種神通種種說  
法皆以本願力起譬如阿修羅等雖無鼓者  
而音曲自然是名教化也第五功德相菩薩  
八四種門自利行成就應知成就者謂自利

滿足也應知者謂應知由自利故則能利他  
非是不能自利而能利他也菩薩出第五門  
迴向利益他行成就應知成就者謂以迴向  
因證教化地果若因若果無有一事不能利  
他應知者謂應知由利他故則能自利非是  
不能利他而能自利也菩薩如是修五念門  
行自利利他速得成就阿耨多羅三藐三菩  
提故佛所得法名爲阿耨多羅三藐三菩提



以得此菩提故名爲佛今言速得阿耨多羅  
三藐三菩提是得早作佛也阿名無耨多羅  
名上三藐名正三名遍菩提名道統而譯之  
名爲無上正遍道無上者言此道窮理盡性  
更無過者何以言之以正故正者聖智也知  
法相而知故稱爲正智法性無相故聖智無  
知也遍有二種一者聖心遍知一切法二者  
法身遍滿法界若身若心無不遍也道者無

導道也經言十方無導人一道出生死一道  
者一無導道也無導者謂知生死即是涅槃  
如是等入不二法門無導相也問曰有何因  
緣言速得成就阿耨多羅三藐三菩提答曰  
論言修五門行以自利利他成就故然竅求  
其本阿彌陀如來爲增上緣他利之與利他  
談有左右若自佛而言宜言利他自衆生而  
言宜言他利今將談佛力是故以利他言之



當知此意也。凡是生彼淨土及彼菩薩人天所起諸行皆緣阿彌陀如來本願力。故何以言之。若非佛力四十八願便是徒設。今的取三願用證義。意願言。設我得佛十方衆生至心信樂欲生我國乃至十念若不得生者不取正覺。唯除五逆誹謗正法緣佛願力。故十念念佛便得往生。得往生故即勉三界輪轉之事無輪轉故。所以得速一證也。願言。設我

得佛國中。人天不住。正定聚必至滅度者。不取正覺。緣佛願力。故住正定聚。住正定聚。故必至滅度。無諸迴伏之難。所以得速二證也。願言。設我得佛。他方佛土諸菩薩衆。來生我國。究竟必至一生祇處。除其本願自在所化爲衆生。故被弘誓。鎧積累德本。度脫一切遊諸佛國。修菩薩行。供養十方諸佛如來。開化恒沙無量衆生。使立無上正真之道。超出常倫。



諸地之行現前修習普賢之德若不尔者不  
取正覺緣佛願力故超出常倫諸地之行現  
前修習普賢之德以起出常倫諸地行故所  
以得速三證也以斯而推他力為增上緣得  
不然乎當復引例示自力他力相如人畏三  
塗故受持禁戒受持禁戒故能修禪定以禪  
定故修習神通以神通故能遊四天下如是  
等名為自力又如劣夫跨驢不上從轉輪王

行便乘虛空遊四天下無所障導如是等名  
為他力愚哉後之學者聞他力可乘當生信  
心勿自局分也無量壽修多羅憂波提舍願  
偈略解義竟經始稱如是彰信為能入末言  
奉行表股膺事已論初歸禮明宗旨有由終  
云義竟示所詮理畢述作人殊於茲成例

無量壽經優婆提舍願生偈註卷下



余時寬永六巳歲仲春日

開板

下卷取書中已命味無所無  
如補其書外故無命其後  
以書已命也

